

## Tus Mob-Rabies (hydrophobia)

Disease Fact Sheet Series

---

### Tus Mob Rabies zoo li cas?

Tus mob Rabies yog ib tug mob uas ua mob rau saum lub paj hlwb. Tib neeg kis tus kab mob no ntawm tej tsiaj uas muaj tus kab mob los. Thaum raug tus kab mob lawm thiab cov tsos mob tshwm sim lawm ces yuav cheem tsis tau kawg tuag xwb. Nyob hauv teb chaws As Mes Lis Kas no mas kuj yog tsis muaj neeg raug tus mob no kiag los yog, tab sis, nyob rau cov teb chaws txom nyeem mas kuj tseem muaj neeg raug tus mob no tsis tseg. Xyoo 2004, nyuam qhuav pom muaj ib tug neeg raug tus mob no; dua li no ces tsuas muaj ib tus raug ua ntej rau xyoo 2000 xwb.

### Leej twg thiaj raug tus mob rabies no?

Txhua txhua tus tsiaj thiab tib neeg yeej raug tau tus mob no. Nyob rau hauv Wisconsin no mas cov skunks thiab puav yog ob hom tsiaj uas muaj tus kab mob no, tsis tag li, tus kab mob kuj pom muaj nyob hauv tej tsiaj yam li, dev, miv, hma, mab thiab tej tsiaj nyeg.

### Tus mob no ri mus rau neeg li cas?

Tus mob no mas yeej yog kis tau los ntawm cov tsiaj uas tsiv tsaim heev los. Feem ntau yeej yog kis thaum raug tus tsiaj tom, tab sis, kuj kis tau thaum raug tus tsiaj khawb, los yog kov tau tus tsiaj cov quab ncaug txeem mus rau ntawm tej nqaij ntuag nqaij to.

Thaum tus neeg tsaug zog, tus me nyuam yaus, los yog tus neeg ruam quaj ho raug puav tom los khawb mas nws yuav tsis paub li, yog hais tais pom puav nyob rau hauv kem tsev cov neeg hais los no nyob mas yuav tsum tau hu kiag mus rau tus kws kho mob paub kiag.

### Tus mob rabies no cov tsos mob zoo li cas?

Thaum nyuam qhuav chiv mob mas kuj zoo li pheej nyob meem txom, mob taub hau, kub cev thiab khaus khaus los yog mob rau ntawm qhov raug tom ntawd. Tus mob yuav ua rau chua tej leeg pob qa thiab tej leeg nqaij tuav kev ua pa, yuav nriaj, yuav ua fem feeb, ib ce tuag tas muag ntag ces tuag xwb. Nco ntsoov tias yog thaum twg chiv mob lawm ces yeej yuav kho nyuaj li lawm.

### Yuav yog hov ntev li thaum kis tus mob tas mam pom cov tsos mob tshwm sim?

Lub sij hawm thaum nphav tau tus kab mob thiab thaum cov tsos mob tshwm sim mas kuj sib txaww, tab sis, feem ntau rau tib neeg mas kuj yog li ntawm ib mus rau peb lub hlis tom qab nphav tau tus kab mob mas cov tsos mob tshwm sim. Kuj tau pom tias tus kab mob kuj ncu ntev txog li ib xyoos ntau tej ntawd thiab.

### Ua tib neeg puas yuav ri tau tus mob rabies no?

Kuj tsis pom muaj tias tib neeg kis rau tib neeg tau, tab sis, yuav tau ceev faj tsis txhab lam nphav tus neeg mob cov quab ncaug. Yuav tsum tsis txhab siv cov neeg uas tau raug tus mob no tej nqaij tej los mus pab ntxiv kho (transplant) rau lwm leej lwm tus.

### Yuav kho tus mob no li cas?

Yuav pab tiv thaiv kom tus mob tsis txhab huam ua mob mas yog thaum raug tsiaj tom los khawb tas mas yuav tau muab xab npum thiab dej ntws nto los ntxuav lub qhov txhab kom huv si tam sid. Yog soj ntsuam zoj es tsim nyog yuav tau mus ntsib kws kho mob mas yuav tau coj tus neeg mus ces kws kho mob yuav hno ib koob tshuaj ntshav tiv thaiv (rabies immune globulin) los pab thiab yuav tau txhaj

tsib koob tshuaj tiv thaiv tus kab mob rabies no ntawm caj npab kom tsis txhob huam ua mob tuaj.

Feem ntau, yog soj ntsuam tus tsiaj los yog kuaj tus tsiaj mas yuav paub tau tias tus tsiaj ntawd puas muaj tus kab mob rabies ces yuav paub meej thiab tus neeg raug tom yuav tsis tas txhaj tshuaj los tiv thaiv nws. Vim li no mas, tseem ceeb heev uas tus neeg raug tsiaj tom yuav tau hais mus rau hauv tseem fwv feem saib xyuas pej xeem kev noj qab haus huv (los yog tseem fwv feem saib xyuas kev ruaj ntseg paub, thaum cov neeg ua hauj lwm hauv kev noj qab haus huv tsis khoom) ces lawv yuav soj ntsuam saib xyuas tus tsiaj thiab kuaj tus tsiaj raws kev raws cai saib nws puas muaj tus kab mob rabies. Tsis tas li, yuav tsum hais mus rau tus tib neeg ntawd tus kws kho mob paub sai sai.

### **Yog tsis nrhiav kev kho ne yuav muaj dab tsi tshwm sim tuaj?**

Thaum ib tug tib neeg nphav raug ib tug tsiaj tsiv tsaim los kuj tsis txhais hais tias txhua tus tsiaj no yuav muaj tus kab mob rabies. Yog ua tej yam los tiv thaiv tam sid thaum nphav raug tus tsiaj tas mas kuj yuav pab kom tsis huam ua mob rabies tuaj. Yog hais tias tsis kub siab los mus tu lub qhov txhab kom sai tam sid mas tsis ntev ces yog cov tsos mob pib tshwm sim lawm ces yuav kho nyuaj thiab tuag taus. Tej qhov txhab uas raug tsiaj tom mas txawm yuav ntes tau thiab tsis tau tus tsiaj ntawd los soj ntsuam thiab kuaj los yuav tsum coj tus neeg mus kuaj saib puas tsim nyog yuav muab tshuaj los kho tus neeg raug tom ntawd.

### **Yuav ua li cas thiaj yuav tiv thaiv kom tus mob rabies no tsis txhob ri tau?**

Ib txoj kev yuav txo kom tus mob no tsis txhob ri tau mas yog yuav tsum tau txhaj tshuaj tiv thaiv tus kab mob rabies no rau cov dev thiab miv loj leeb, tej aub thiab miv hauv tsev, thiab tej tsiaj nyeg. Tsis tas li, kuj tsis txhob mus ze tej tsiaj qus, los tej tsiaj uas coj tus cwj pwm tsis thooj li qub. Tsis txhob lam coj tej tsiaj qus uas zoo saib ntxim nyiam los tu rau hauv vaj hauv tsev. Tsis txhob cia puav txeem tau los rau hauv tej chaw nyob. Lo tej qhov ntxaj thiab txhaws tej qhov vaj qhov tsev kom lawv nkag tsis tau los.

Cov tib neeg uas mus tsham tej teb chaws txom nyem uas muaj tus mob no ntau, los yog cov neeg uas ntxim yuav raug tus mob no (yam li cov kws kho tsiaj, thiab cov tub ceev xwm kav tsiaj) mas yuav tau nug kom lawv tus kws kho mob txhaj cov tshuaj tiv thaiv tus mob rabies no rau lawv.

Cov tib neeg uas raug tsiaj tom yuav tau muab xab npum thiab dej ntws nto los ntxuav lub qhov nqaj raug tom ntawd, thiab hu rau lawv tus kws kho mob thiab hais mus rau hauv tseem fwv feem saib xyuas pej xeem kev noj qab haus huv hauv zos paub. Cov tib neeg uas tau nyob ze puav lawm tab sis lawv paub tsis tau seb puas tau chwv raug puav los yuav tau hu rau lawv tus kws kho mob paub. Yog ntes tau tus tsiaj ntawd yam tsis muaj xwm txheej dab tsi, nws yog ib qho yuav tau ceev faj kom tus tsiaj tsis txhob ua rau yus raug mob li cas ntxiv, ces yuav tau ceev tus tsiaj kom mus txog rau thaum qhov chaw saib xyuas pej xeem kev noj qab haus huv muab tswv yim pab seb yuav ua li cas.